

章氏業

書續編

弟子錢玄同敬題



章氏業勇

壽禧錫

癸未秋
成都薛
成禮
氏崇禮
堂復木

章氏叢書續編總目

廣論語駢枝一卷

體撰錄一卷

太史公古文尙書說一卷

古文尙書拾遺二卷

春秋左氏疑義荅問五卷

新出三體石經攷一卷

荊漢昌言六卷

廣
人
論
文
語

野
林

癸未秋
成都薛
氏崇禮
堂復木

成都龔向農先生 廣論語駢枝識語

王充所說論語源流甚謬何以信之

第二頁

豈但江都東方子思子書已稱論語矣

第一頁

俞蔭老謂作高子者乃猶吾大夫崔子之崔子其說似是 第

五頁

穿鑿已甚讀爲恣愎允矣

第七頁

亂流先濟一勇夫之任耳豈可與舜之五人並稱才盛攷證家
好爲異說不顧文理類此多矣若謂望散周召卽在此十人中
則尙父中軍大呼蒼兕周公中流乃賀白魚明非身爲前行也

第八頁

而猶以也不必鑿爲解釋

第十三頁

丁未在都與汪穰卿謝无量會汪曾以此為諧談太炎乃以為

正解耶

第十六頁

父軍軍大將... 公中... 實曰... 然則非... 為... 中... 夫之... 五... 與... 之... 正人... 木... 盤... 案... 日... 甚... 為... 怒... 對... 次... 矣

第十頁

止頁

... 高... 千... 昔... 八... 餘... 吾... 大... 夫... 謂... 之... 謂... 千... 其... 館... 以... 長... 黃

... 玉... 潛... 東... 式... 千... 思... 千... 審... 日... 解... 館... 精... 突

第一頁

... 王... 宋... 祖... 館... 精... 則... 流... 甚... 獨... 何... 以... 計... 之

第一頁

... 以... 潛... 難... 何... 莫... 次... 土... 實... 館... 精... 根... 妙... 燭... 精

廣論語駢枝

章氏叢書續編之二

學而篇

孝弟也者、其爲仁之本與、

愛親敬長、人之良知良能、故孝弟爲仁之本、

傳不習乎、

論衡正說篇、夫論語者、弟子共紀孔子之言、甚多、數十百篇、漢興、失亡、至武帝發取孔子壁中古文、得二十一篇、齊魯二

河閒九篇、

此謂河閒獻王所得者

三十篇、至昭帝女讀二十一篇、宣帝

下太常博士、時尚稱書難曉、後更隸寫以傳誦、初、孔子孫孔安國以教魯人扶卿、始曰論語、案論語初出、董仲舒東方朔

已多稱引、司馬遷著之史記、皆在齊魯前、蓋孔安國時已隸
寫傳誦矣、齊論傳者膠東庸生、魯論傳者扶卿、竝安國弟子、
此傳不習乎、鄭云、魯讀傳爲專、今從古、審古文本作傳、扶卿
何故改爲專字、疑魯論依古文真本、鄭所謂古文作傳者、乃
後師所讀爾、說文、專、六寸簿也、此蓋傳記之正字、作專自通、
吾未嘗無誨焉、魯作悔、惡果敢而窒者、魯作室、此等竝是通
寫譌脫、必非改字、唯以瓜祭爲必祭、乃改讀而失其義者、蓋
徹乎作蓋、肆乎、魯文、自有駁異、皆不足論、

爲政篇

生事之以禮、死葬之以禮、

或說、春秋傳云、孟僖子病不能相禮、乃講學之、及其將死、言
無禮無以立、因命懿子兄弟事仲尼、故此以盡禮爲無違、言

不違僖子之志也。案仲尼弟子列傳、樊遲少孔子三十六歲。此有樊遲御、當在定公末年。時懿子嗣父已久。前有逐君伐鄆之惡、生事死葬、亦無所及。惟祭之以禮、可革雍徹之僭耳。聖人無棄人、一事得以匡救、雖結名逆籍者、亦不擯置。斯忠恕之至也。

八佾篇

王孫賈問曰、與其媚於奧、寧媚於竈、何謂也。子曰、不然、獲罪於天、無所禱也。

羣書治要引崔寔政論、或實清廉、心平行潔、內省不疚、不肖媚竈。此以媚竈爲媚權幸、僞孔因謂賈欲使孔子求昵之、故微以俗言感動。案王孫賈、衛之能臣、如欲檻致孔子、正自有

辭必不作是鄙言也。御覽引鄭注：王孫賈自周出仕于衛，皇
疏謂賈爲周靈王之孫，引樂肇說：奧尊而無事，竈卑而有求，
時周室衰微，權在諸侯，賈自周出仕衛，故託世俗言以自解。
於孔子，孔子曰：獲罪於天，無所禱者，明天神無上，至尊無二，
言當事尊卑不足媚也。是說取爲得之。今尋廣韻二十三魂
孫字下云：衛有王孫賈，出自周頃王之後，王孫賈之子自以
去王室久，改爲賈孫氏，此蓋采自世本而誤靈爲頃，何以明
之。白虎通德論姓名篇：王者之孫稱王孫，故論語有王孫賈，
是賈親周王之孫也。若爲頃王孫，則與簡王爲同祖兄弟，簡
王崩于魯襄公元年，而賈事蹟著于魯定公八年，鄆澤之盟，
前後相去七十年，其時不相逮也。唯賈爲靈王孫，與敬王爲

同祖兄弟、故得同時爾、據春秋襄三十年傳、景王殺母弟佞
夫、王子瑕奔晉、又昭二十二年傳、王子朝因靈景之族以作
亂、單子亡、羣王子追之、單子殺還姑、發弱、馘延定、稠、賈、或爲
佞夫及瑕之子、或爲還等、羣王子之子、其去周不因前事、必
因後事矣、孔子適衛、見賈、在定哀閒、賈已得志于衛、猶怨王
室而蔑之、故孔子以獲罪於天相折、陪臣不可仇大君、非巫
臣子胥之例也、

里仁篇

朝聞道、夕死可矣、

案漢書夏侯勝傳、勝與黃霸久繫、霸欲從勝受經、勝辭以罪
死、霸曰、朝聞道、夕死可矣、此前漢舊說、何云、將至死不聞世

之有道若孔子自悼命窮者失其旨
無適也無莫也義之與比

詩衛風誰適爲容傳適主也小雅聖人莫之傳莫謀也君子
治天下不建已故無主不用智故無謀動靜不離於理是曰
義之與比其後慎到聞其說曹參施諸政

君子懷德小人懷土君子懷刑小人懷惠
君子小人謂在位與庶民也財散則民聚故君子懷德斯小
人懷土矣法行則知恩故君子懷刑斯小人懷惠矣李充所
解近之

不患無位患所以立

案古文春秋經位作立此不患無位古文蓋亦作立不患無

立患所以立、不患莫己知、求爲可知、辭例一也、

公治長篇

魯無君子者、斯焉取斯、

言此、則子賤未從孔子游、其德已著也、據仲尼弟子列傳、子

賤少孔子四十九歲、爲單父宰、反命於孔子、呂覽具備篇、宓

子行其術於亶父、三年、巫馬期短褐衣弊裘而往、觀化於亶

父、歸告孔子云云、是宓子初治亶父時、年始逾冠也、其人蓋

早達者、七略儒家有宓子十六篇、其弟子景子又著三篇、學

亦自成流派、而韓非難言篇謂宓子賤、西門豹不鬪而死人

手、然則晚遇闇主、以致殺身、故其名不逮曾子、子夏之著、

由也、千乘之國、可使治其賦也、

釋文賦孔云兵賦也鄭云軍賦梁武云魯論作傳案梁武所據或熹平石經或他書稱引今謂此魯學者以漢事釋經爾漢書高帝紀蕭何發關中老弱未傅者悉詣軍孟康曰古者二十而傅二十三而後役之如淳曰律年二十三傅之疇官漢儀注云民年二十三爲正一歲爲衛士一歲爲材官騎士習射御騎馳戰陳是漢時之傅卽周時之軍賦也鄭不舉正者與古文義本無異亦或魯論諸家自有駁文

宰子晝寢

范甯謂宰我四科之流蓋託弊迹以爲發起後人又欲改晝寢爲晝寢案呂氏慎人篇孔子窮於陳蔡之間七日不嘗食藜羹不糝宰子備矣高誘注備當作憊從者病莫能興故曰